

經

籍

佚

文

史記佚文

漢 曰馬遷侯

孟荀列傳

孟子幼孤而母教之以三遷十一經問對

俊按十一經問對明孟子之父名何而其父則誰

氏也對曰俱未有攷史記本傳止載孟子云云

樂書

漢世紀土一以昏時祀到明 御覽

俊按歲時廣記十曰御覽所載史記樂書云云今

史記無此文今御覽
部引樂書曰漢祠太乙
以昏時祀到明

史記異文

漢 司馬遷 撰

一之竇成傳

竇成為漢中尉嚴酷時人語曰謹上操下如東濕新

白帖卷
十六

俊按杜氏古謠諺曰案史記竇成傳云為人上
操下如東濕新漢書竇成傳為人上操下急如
東濕均無時人語曰四字白帖所引疑是古本
也後謂時人語曰四字今佚

律曆逸文

吳江沈彤冠雲云春秋左傳襄二十四年疏引漢書律曆志載劉歆三統之術以為五月二十二分月之二十乃為一交交在望前朔則日食望則月食交在望後望則月食後月朔則日食交正在朔則日食既前後望不食交正在望則月食既前後朔不食其文如此而今律曆志並無此文不知何時逸去

王鳴盛十七史商榷卷十一

漢書佚文

後漢 班固 撰

高昌性難伏乃作歌曰驢非驢馬非馬言高昌似驢也
百覽九

漢書佚文

漢班固撰

韓信贊曰淮陰殷殷仗劍周章

南朝劉之遴所得古本

續漢書佚文

時聖公聚客家有酒請遊傲飲賓客醉歌言朝烹兩都

尉遊傲後來用調羹味遊傲大怒縛捶數百後漢書劉元傳注御

覽八百四十八

李叟拜京兆尹尹字居御覽二百五十四百六十五增詔發西園錢變上封

事遂上不發吏民愛敬乃為此議我府君道教舉恩

如春威如虎剛不如吐弱不如愛如母訓如父樂府詩集

八十
七

右從杜氏古謠謗輯錄

三國志佚文

魏 陳壽撰

魏志

張魯傳魯子名廣字嗣宗魯第二子也魯雅為魏武所
寵諸子未勝綱並遣中使拜授官爵

御覽五百八十

蜀志

劉毅白攀等上言建安二十二年必有天子其方

御覽十五

俊按先主傳二十五年前後上書者八百餘人三國
志攷證曰前載一百二十八後二人及此六人而已

據御覽所載則今蜀志謬脫多矣

吳志

孫亮傳改元建興

御覽十八

俊按國志逸建興二字

丁奉傳魏將諸葛誕據壽春降

文選辨亡論注

俊按讀書膳錄曰文選辨亡論丁奉離裴解圍是以

武毅稱李注引吳志曰魏將諸葛誕據壽春降魏人

圍之使奉與裴解圍奉為先登裴盡力戰有功拜

左將軍據此則志文魏大國之應作魏人圍之而句

上尚脫魏將諸葛誕據壽春降九字至選注黎斐力戰有功恐仍是屯于黎漿之誤何則力戰有功拜左將軍者奉也非斐也

又按錢氏諸史拾遺乃懷元時本三國志作魏大將軍諸葛誕據壽春來降魏人圍之辨今本魏大之下實脫十二字於是此句闕謬始得復全至屯於黎漿一語王氏鳴盛十七史商榷云此作史者因黎斐無傳故於下奉傳中帶叙黎斐事俗刻誤衍屯於二字又誤斐為漿遂以黎漿為地名而力戰有功拜左將軍

者似皆為奉事矣。豈知上文奉先為偏將軍冠軍將
軍滅寇將軍封都亭侯。又為虎威將軍封安豐侯。
何待此時拜左將軍乎。

又按葉氏廷琯吹網錄卷一曰：王氏此說誠足破孫氏
之疑。然余按孫綝傳云：綝復遣吳率將軍丁奉、黎
斐等五萬人攻魏，留輜重於都陸，吳屯黎漿，通鑑載
此事。即用綝傳文。胡注云：據晉紀，都陸在黎漿南。又
引水經注云：芍陂濟水東流，注黎漿水。

按水經注原文無此
水字，但作黎漿水。

與下水
字貫

水東經黎漿亭南，又東注肥水，謂之黎漿口。然

則黎漿實有此地名持是時屯於黎漿以下乃叙及黎
漿力戰事今上下皆有脫文致此語遂成鶻突王氏但
據選注奉為先登之下即係黎漿力戰有功故指屯
於二字為衍文漿字為斐譌實則辨止論此處本
但云丁奉離斐以武毅稱雖斐是俗因本離字誤加
而不及朱異是以注引吳志此傳亦祇取叙奉斐之戰
績處其餘多所刪節如知原文叙朱異屯於黎漿一
語不正在所刪之內未可反援此以駁史文為誤也

晉書佚文

惠帝時洛陽童謠鄴中女子莫千妖前至三月抱胡腰明年而胡賊石勒劉曜反樂府詩集八十八

苻堅末年怠於為政趙整援琴作歌二章以諷苻聞明津河千里作一曲此水本自清是誰亂使濁此園有衆樹布葉垂重陰外雖多棘刺內實有赤心又六十

溫嶠滅王敦先是童謠曰翦韭翦韭斷楊柳河東少子令我與子以為賊如韭柳尋得復生也御覽九百七十六

初童謠云古在左月在右讓去言或入言口古在左月在
右胡字也讓去言為襄也或入口為國也母為石勒所都
又一百六十一

右從杜氏古謠諺輯錄

晉書佚文

王敬伯會稽餘姚人洲渚中昇亭而宿是夜月華露
輕敬伯撫琴而歌明日亡女之靈告敬伯就體如平
生後婢二人敬伯撫琴而歌曰低頭下深幕府垂月
照孤琴空絃益霄波誰憐此夜心女乃和曰歌宛轉
情復哀願為烟與霧氤氲同共懷御覽五百七十七
右從杜氏古謠諺輯錄

南史佚文

李延壽撰

謝靈運曰天下才共一石曹子建獨得八斗我得一斗
自古及今共用一斗奇才博識安可繼也

李義山詩注

後按南史無此語孫氏志祖曰唐以前書亦未見
有引及此者

南史佚文

殷禮字往嗣好學手不釋卷嘗從曲阿往反不知隄濟廣
狹及行旅喧鬧時人語曰奇才強記殷往嗣廣博物志
右從杜氏古謠諺輯錄

北史佚文

李延壽撰

後魏廣平王懷傳

北史後魏廣平王懷嘗獵於河北馬場間逐一羣入草
命人圍繞將自射之曰已先經燒不見其出遂失羣羣
所在惟有塼塔存焉懷乃慨然動恕仁恕之心解鷹放
犬遂不復獵

在豹古今注獸十九

北齊書佚文

祖珽字孝徵神情機警辭采藻逸與裴讓之並有令譽
為當時所推省中語曰多才多能祖孝徵能賦能詩裴讓
之廣博物志二十九

右據杜氏古諺輯錄

梁書佚文

楊華武都仇池人也少有勇力容貌雄偉魏胡太后
逼通之華懼及禍乃率其部曲來降胡太后追思之
不能已為作楊白花歌辭使宮人晝夜連臂蹈足歌
之聲甚悽惋按此下似當有其詞陽春二三月楊柳
齊作花春風一夜入闌闌楊花飄蕩落南家含情出
戶脚無力拾得楊花淚沾臆秋去春來雙燕子願銜
楊華入高裏樂府詩集七十三

右從杜氏古謠諺輯錄

國語佚文

華岳當河神鉅靈手盪腳踏開而為兩之

路史前紀三注

俊按路史鉅靈氏或云治蜀蓋以其迹躍焉注曰

薛綜以鉅靈為河神蓋本水經所引謂國語云云

今國語無此文

戰國策佚文

豫讓擊襄子之衣衣盡血

司馬貞索隱

呂不韋言周凡三十七王

又

白圭為中山將亡六城還拔中山

又

馬犯謂周君

又

馬犯謂梁王云王病愈

又

晉有大夫於所

廣韻

羊千者著書顯名

又

安陵且雍門周中大夫藍諸又

晉有亥唐

又

趙有大夫庫賈

又

訓門也

又

齊威王時有左執法公旗番

又

驥仰而噴鼓鼻也

玉篇

涸若耶以取銅破惡山而出錫

太平御覽

廊廟之樣非一木之枝先王之法非一士之智

又

晉大夫芸賢

元和姓纂

趙武靈王遊大陵華處女鼓瑟春秋後語

平原君臂者注云臂車跛之名又

東城九門注云碣石山在縣界後漢地理志

廉頗為人勇猛而好士後漢第八贊

蘇秦為楚合從元戎以鉄為戟長八寸一圻十矢俱發文類聚

楚人以弱弓微繳加歸鴈之上者北堂書鈔

韓兵入西周今成君辨說秦求救徐廣注史記

碣石九門本有宮室以居張守節正義

羅尚見秦王曰秦四塞之險利於守不利於戰舊戰國策
蘇秦說孟嘗君曰秦四塞之國高誘注云四面有山關之
固故曰四塞之國也李善注文選

俊按右從戰國策姚寬書後錄

國策佚文

豫讓斬襄子衣出血襄子曰輪而亡

史記索隱

兵王閔孫武曰敵人保山守險挑之不出奈何武曰分
兵守要謹備不解潛探其情密候其怠久無所得自然
變攻

家語佚文

觀周篇孔子將修春秋與左邱明樂如周觀書於周史

歸而修春秋之經邱明為之傳共為表裏

左傳正義嚴氏春秋引云云

詩云維此四國爰究爰度紂政失其道而據萬乘之勢

四方諸侯固猶從之謀度於非道天所惡焉

詩皇矣正義

鯀魚其大盈車

列子湯問張氏

俊按嚴氏春秋已佚僅引見於他書此條以嚴氏所

見家語蓋非王肅所偽造者

山海經佚文

白澤能言語出東望山有德明照幽遠則至
通志一百八十昆蟲草木略獸類引云見山海經

果然獸似獼猴以名自呼色蒼黑羣行老者在前少
者在後得果食輒與老者似有義焉交趾諸山有之
御覽凡百十獸部

竹書佚文

晉 東晉撰

晉出公六年晉荀瑤城宅陽又梁惠成王元都師邯鄲
師于平陽水經注

穆公十一年取靈丘廣川書跋

與魏戰岸門史記秦本紀索隱

穆王見西王母西王母止之曰有鳥鵲人天子飲于溫山曰有鳥鵲注

惠王後元十一年會平阿十三年會齊威王于甄史記

君傳索隱

齊桓公十年弑其君毋宣王八年殺其王后

又田完世家索隱

俊按右從徐氏統箋係出

晏子佚文

齊侯見孟子于雪宮

元和郡縣志

俊案四書釋地曰元和郡縣志齊雪宮故址在青州臨淄縣縣即齊故都東北東里晏子春秋所謂齊侯見晏子於雪宮是也困學紀聞閻註今晏子春秋無此語元和郡縣志所引詒何註案此則晏子春秋非完書矣孫壁文新義錄七曰孟子羞稱管晏茲以與民樂忽詳及晏子對景公一段故實蓋亦以此地曾

為先齊君臣共游觀以近事為鑒則言易入耳

吳越春秋佚文

堯聽四嶽之言用繇修水繇曰帝遭天災殿黎不康乃

築城造郭以為國固

初學記廿四御覽百九十三

繇築城以衛君造郭以居人

初學記此城郭之始也同上

楚王召風胡子而告之曰寡人聞吳有干將越有歐冶

寡人欲子請此二人作劍可乎風胡子曰可為往見二

人作劍

一曰龍淵二曰太阿

史記蘇秦傳集解

闔閭死葬於國西北名虎邱穿土為川

吳郡志積墳為

邱發五郡之士藝文郡十萬人共治千里使象埴土鑿

池裏字記九十一引作捷土臨湖四周水深丈餘銅梓三重瀆水銀為

池藝文瀆池廣六十步黃金珠玉為鳧雁偏渚之劍魚

腸三十在焉葬之已三日金精上揚為白虎據墳故曰

虎邱藝文十八吳郡志三十九

虎邱者吳王闔閭墓也下池廣六十步深一丈五寸銅

棺三重中池廣六尺御覽八百十二引金鴈玉鳧魚腸

之劍以送焉此句又見書取土臨海潮千萬人築治之

御覽五百五十八此即上條之文而引者互有刪節不可強合為一故並存之

越王既棲會稽范蠡等曰臣竊見會稽之山有魚池上

下二處水中有三江四瀆之流九谿六谷之廣上池宜

於君王下池宜於臣民畜魚三年其利可以致千萬越

國當富藝文九十六御覽九百三十五事類賦注廿九

吳亡後越浮西施於江令隨鵠夷以終修文御覽引見釋史九十六

越王平吳後立賀臺於越初學記廿四

文種者本楚南郢人也此上依文選蒙士賦序注補姓文名種字子

禽文選注名少禽荆平王時為宛令之三戶之里范蠡從犬竇

蹲而吠之從吏恐文種慙令人引衣而障之文種曰無

障也吾聞犬之所吠者人今吾到此有聖人之氣行而求之來至於此且人身而犬吠者謂我是人也乃下車拜蠡不為禮史記越世家正義

蠡字少伯乃楚宛三戶人也

同上

文種荆平王時為宛令不治官職有若狂顛惟歎咲也

抄本書鈔吳王既殺子胥問太宰曰子胥數以越諫遂

以喪身從死以來若有所亡今欲祠之何日可也曰三

月癸未可也御覽五百廿六引作二月癸未書鈔亦作二月及夫差帥諸羣臣

出國東門祀子胥于江水之濱諸臣竝在夫差乃言曰

寡人蒙先王之遺恩為千乘之主昔日不聽相國之言

乃用讒佞之辭至今相國遠投江海

御覽五百廿六引作江濱自亡

以來濛濛惑惑如霧蔽日莫誰與言泣下沾衿哀不自

勝左右羣僚莫不悲傷忽見樂自觸酒又言相國其可

留神一與寡人相見胥即從中出曰生時為人死時為

神嚮遠大王復重祭臣諸臣持杯杯動酒盡左右羣臣

莫不見之

抄本書鈔八十八御覽四
百五十六又五百廿六參定

吳王夫差聞孔子與子貢游於吳出求觀其形變服而

行為或人所戲而傷其指夫差還發兵索於國中欲誅

或人子胥諫曰臣聞昔上帝之少子下游青冷之淵化為鯉魚隨流而戲漁者豫且射而中之上訴天帝天帝曰汝方游之時何衣而行少子曰我為鯉魚上帝曰汝乃白龍也而變為魚漁者射汝是其宜也又何怨焉今天大王弃萬乘之服而從匹夫之禮而為或人所刑亦其宜也於是吳王默然不言

羣書治要又御覽三百七十一節引

吳將伐齊北霸中國自廣陵掘江通淮

裏字記百二十四

子胥諫吳王王怒胥暮歸

此胥字依事類賦注三補

舉衣出宮宮中

羣臣皆驚曰天無霖雨宮中無泥露相君舉衣行高何

為子胥曰吾以越諫王王心迷不聽吾見宮中生草棘

霧露沾我衣羣臣聞之莫不悲傷書鈔百五十二御覽十二

大夫種善圖始范蠡善慮終大選五等論注

范蠡曰夫人君勇者逆德也兵者凶器也爭者國之末

也大選陸士衡樂府詩注

賜以甘菓書鈔十九

越鴈陣名白帖五十四

海鹽縣淪為柘湖徙居武原鄉故地也初學記七

截骨之劍無削擬之書鈔百二

練塘里句踐練冶銅錫之處

水經漸江水注

鹿野山越之康苑也

同上

越王都埤中

同上

眉間尺逃楚入山道逢一客客問曰子眉間尺乎答曰是也吾能為子報讎尺曰父無分寸之罪枉被荼毒君今惠念何所用耶客曰須子之頭并子之劍尺乃與頭客與王王大賞之即以鏹煮其頭七日七夜不爛客曰此頭不爛者王親臨之王即者之客於後以劍斬王頭入鏹中二頭相齧客恐尺不勝自以其劍擬頭入鏹中

三頭相咬七日後一時俱爛乃分葬汝南宜春縣并三

冢

御覽三百六十四

季札去徐而歸行於道逢男子五月披裘採薪於道傍有委金一器季札見之忽不意顧謂薪者曰來取此金薪者曰君舉止何高視何下焉五月披裘採薪甯是拾金者乎札慚於斯言下車禮之曰何子衣之鄙而言之雅也子姓何薪者曰皮相之士何足以告姓字乎季札有慚色御覽四百九十一又藝文八十三引延陵季子出游於齊見路有遺金有披裘採薪者季子呼薪者季子呼薪者取彼地金薪者曰吾當夏五月披裘而薪宜取金者哉御覽六百九

十四 從案又見文選注
略同

吳師入郢閭閻既妻夫人又及伯嬴伯嬴秦康公之女
平王之夫人昭王之母也伯嬴操歎曰妾聞天子天下
之表也公侯一國之儀也天子失制則天下亂諸侯失
節則國危今夫婦之道固人倫之始王教之端今吳弃
儀表之從亂亡之欲犯誅絕之事何以行訓民乎妾聞
生以辱不如死以榮者使吳王弃儀表則無以生存一
舉而兩儀辱妾以死守之不敢聞命也且凡欲近妾者
為樂也近妾而死何樂之有先殺妾又何益之君王於

御覽四百九十一

御覽五百五十六

山上越王將伐

御覽四十七

御覽
八百三十八

春申子假君宮

御覽九百八十八

秦徙大越烏語之人置晉

寰宇記九十三又引閩輞
十三州志云晉置為晉

俊按右從武陵山人遺書輯錄

吳越春秋佚文

堯聽四嶽之言用鯀修水鯀曰帝遭天災厥黎不康乃

築城造郭以為固國

初學記廿四御覽百九十三

鯀築城以衛君造郭以居人

初學記作守民

此城郭之始也

同上

楚王召風胡子而告之曰寡人聞吳有干將越有歐冶

寡人欲因子請此二人作劍可乎風胡子曰可為往見

二人作劍一曰龍淵二曰太阿

史記蘇秦傳集解

閭閻死葬於國西北名虎邱穿土為川

吳郡志誤作山

積壤為

邱發五郡之士

藝文作郡

十萬人共治千里使象撻土鑿

池引作記九十一四周水深丈餘銅梓三重頤水銀為

池藝文頤池廣六十步黃金珠玉為鳧雁扁渚之劍魚

腸三千在馬葬之已三日金精上揚為白虎據墳故曰

虎邱藝文八吳邱志三十八

虎邱者吳王閼閼墓也下池廣六十步深一丈五尺銅

棺三重中池廣六尺御覽八百十二引金鴈玉鳧魚腸

之劍以送焉此句又見書取土臨海潮千萬人築治之

御覽五百五十八此即上條之文而引者互有刪節不可強合為一故而存之

越王既棲會稽范蠡等曰臣竊見會稽之山有魚池上

下三處水中有三江四瀆之流九谿六合之廣上池宜

於君王下池宜於臣民畜魚三年其利可以致千萬越

國當富盈藝文九十六御覽九百三十五事類賦注十九

吳亡後越浮西施於江令隨鴟夷以終修文御覽引見

越王平吳後立賀臺於越初學記十四

文種者本楚南郢人也北土依文選義姓文名種字子

禽文選注荆平王時為宛令之三丘之里范蠡從犬寶

蹲而吠之從吏恐文種慙令人引衣而障之文種曰無

障也吾聞犬之所吠者人今吾到此有聖人之氣行而

求之來至於此且人身而犬吠者謂我是人也乃下車

拜蠡不為禮

史記越世家正義

蠡字少伯乃楚宛三戶人也

同上

文種荆平王時為宛令不治官職有若狂顛惟歎咲也

抄本書鈔

吳王既殺子胥問太宰曰子胥數以越諫遂

以喪身從死以來若有所止今欲祠之何日可也曰三

月癸未可也

御覽五百廿六引作二月癸未書鈔亦作二月

及夫差帥諸羣臣

出國東門祀子胥于江水之濱諸臣竝在夫差乃言曰

寡人蒙先王之遺恩為千乘之主昔日不聽相國之言

乃用讒佞之辭至令相國遠投江海

御覽五百廿六引作江濱

自止

以來濛濛惑惑如霧蔽日莫誰與言泣下沾衿哀不自勝左右羣僚莫不悲傷忽見樂自蠲酒又言曰相國其可留神一與寡人相見胥即從中出曰生時為人死時為鬼神嚮遠太王復重祭臣諸臣持杯杯動酒盡左右羣臣莫不見之

抄本書鈔八十八御覽四百五十六又五百廿六卷定

吳王夫差聞孔子與子貢游於吳出求觀其形變服而行為或人所戲而傷其指夫差還發兵索於國中欲誅或人子胥諫曰臣聞昔上帝之少子下游青冷之淵化

為鯉鯉魚隨流而戲漁者豫且射而中之上訴天帝天
帝曰汝乃方游之時何衣而行少子曰我為鯉魚上帝
曰汝乃白龍也而變為魚漁者射汝是其宜也又何怨
焉今夫大王弃萬乘之服而從匹夫之禮而為或人所
刑亦其宜也於是吳王默然不言羣書治要又御覽
三百七十一
吳將伐齊北霸中國自廣陵掘江通淮案字記百
二十四
子胥諫吳王王怒胥暮歸此胥字依事
補賦注三舉衣出宮宮中
羣臣皆驚曰天無霖雨宮中無泥露相君舉衣行高何
為子胥曰吾以越諫王王心迷不聽吾見宮中生草棘

霧露沾我衣羣臣聞之莫不悲傷

書鈔百五十二

大夫種善圖始范蠡善慮終

文選五等論注

范蠡曰夫人君勇者逆德也兵者凶器也爭者國之末

也

文選陸士衡樂府詩注

賜以甘菓

書鈔十九

越鴈陣名

白帖五十四

海鹽縣淪為柘湖徙居武原鄉故越地也

初學記七

截骨之劍無削擬之

書鈔百廿二

練塘里句踐練冶銅錫之處

水經漸五水注

鹿野山越之麋苑也

上同

越王都埤中

上同

眉間尺逃楚入山道逢一客客問曰子眉間尺乎答曰
是也吾能為子報讐尺曰父無分寸之罪枉被荼毒君
今惠念何所用耶客曰須子之頭并子之劍尺乃與頭
客與王王大賞之即以鑊煮其頭七日七夜不爛客曰
此頭不爛者王親臨之王即看客於後以劍斬王頭入
鑊中二頭相齧客恐尺不勝自以其劍擬頭入鑊中三
頭相咬七日後一時俱爛乃分葬汝南宜春縣并三家

季札去徐而歸行於道逢男子五月被裘採薪於道傍
有委金一器季札見之忽不入意顧謂薪者曰來取此
金薪者曰君舉止何高視何下也五月被裘採薪寧是
拾金者乎札慚於斯言下車禮之曰何子衣之鄙而言
之雅也予姓為何薪者曰皮相之士何足以告姓字乎

季札有慚色

御覽四百九十一又藝文八十節引

遺金有皮裘採薪者季子呼薪者取彼他金薪者曰吾
當更五月披裘而薪豈取金者哉御覽六百九十四

吳師入郢閭閻既妻夫人又及於伯嬴伯嬴秦康公之
女平王之夫人昭王之母也伯嬴操刃曰妾聞天子天
下之表也公侯一國之儀也天子失制則天下亂諸侯
失節則國危今夫婦之道固人倫之始王教之端也今
吳弃儀表之行從亂止之欲犯誅絕之事何以行訓民
乎妾聞生以辱者不如死以禁者使吳王弃儀表則無
以生存一舉而兩儀辱妾以死守之不敢聞命也且凡
欲近妾者為樂也近妾而死何樂之有先殺妾又何益
於君王於是吳王慙恥遂遠遯御覽四百

昇平門外麋湖西城者麋王城也與越王遙戰越王殺

麋王麋王無頭騎馬還武里乃死因留葬武里城中以

午日死至今武里午日不舉火

御覽五百五十六

獨女山者諸寡婦女淫佚犯過皆輸此山上越王將伐

吳其士有憂患者令游山上以喜其意

御覽四十七

婁門外雞陂墟者吳王牧雞處

御覽八百三十三又九百十八

太官舍春中君所造殿後殿名逃夏宮春申子假君宮

也數失火因塗雌黃故曰黃堂

御覽九百八十八按雌黃字記九十三人言黃

秦徙大越易詔之人置替

漢字記九十三人言黃

右從武陵山人遺書吳越春秋輯錄

吳越春秋佚文

越王還於吳置酒文臺羣臣為樂乃命樂作伐吳之曲樂師
曰臣聞即事作操功成作樂君王復讐還耻威加海諸侯
受伯王之功功可象於圖畫德可刻於金石聲可託於管
弦管者可留於竹帛臣請引琴而鼓之遂作章楊辭曰屯
乎今欲伐吳可未邪廣博物志三十四

右從杜氏古謠謠錄

十六國春秋佚文

劉聰字元明年十四究通經史時有太守郭頤辟為主簿吏歌曰我有賢后能任元明政理人殷前趙錄帖卷七十七

右從杜氏古謠諺輯錄

越絕書佚文

名門者車船並入昌門今見在銅柱石墳地

又選吳夫差都賦注

小女字幼玉見父無道輕士重色其國必危遂願與書生

韓重為偶不果結怨而死夫差思痛之金棺銅槨葬閭門

外其女化形而歌曰南山有鳥北山張羅鳥既高飛羅當

奈何志願從君說言孔多悲怨成疾沒身黃城

吳地記

闔廬葬女於邾西名為三女墳吳先王發掘无得鬢分為

三呼為三女墳也

書鈔九十四按越絕書安得及吳先王事蓋後人妄增

美山

大雷山

小雷山

有西岑冢越王孫開所立以備春申君使其子守之死遂

葬城中

上並見後漢書郡國志注

北城秦伯所築

咸寧志

伍員取利浦黃漬土築此城

咸寧志陵志引在無錫閭閻城下

吳人於硯石置館娃宮

續字記九十一吳郡圖經

秦始皇至會稽徙越之人於烏程

續字記九十四

東甌越王所立元年四年范蠡築

路史國名紀祿陵上元西南七里有故越城越

絕書云云

宋大夫華元冢在華原陳留小黃縣北

太平御覽五百五十八

闔閭惡王子慶忌問於伍子胥子胥曰臣有所厚於國其

人細小也曰要離臣嘗見其辱壯士菑邱訢

吳越春秋東作椒邱訢

海上人也為齊王使於吳過淮津欲飲馬水神出取菑邱

訢大怒褫操劍入水與戰殺兩蛟一龍連日乃出眇其

左目遂之吳會於友人之座訢恃其神戰之勇輕大夫要

離與之對座即謂之曰吾聞勇士之戰也與日戰者不移

表與鬼戰者不旋踵與人戰者不達聲生往死還不受其
辱今子與神戰於泉水之中亡馬失御又受眇目之病形
殘名辱勇士所恥自驕於友人之旁何其忍負也於是菑
邱訢卒於結恨勢怒未及有言座衆分解菑邱訢宿怒遺
恨夜往攻要離要離戒其妻曰曩者吾辱壯士菑邱訢於
大衆之座有受不還報答之怒餘恨忿恚冥必來矣慎毋
開門菑邱訢果往入門不開登堂不闢入室不守放髮僵
卧訢乃手拔劍而梓要離曰吾不知也菑邱訢曰子辱吾
於大座之衆

座衆二字疑當互易吳越春秋作千人之衆

一死也歸不開門二

死也卧不守衛三死也子有三死之過雖欲勿怒其得乎
哉要離曰無吾三死之過子有三不肖之媿子知之乎
邱訢曰吾不知要離曰吾辱子於千人之衆子不報答是
一不肖也入門不咳登堂無聲是二不肖也先拔劍手持
頭乃敢有言是三不肖也子有三不肖之媿而欲威我豈
不鄙哉於是蓄邱訢仰天歎曰吾之勇也人莫敢有訾吾
者若斯要離乃加吾之上此天下壯士也

御覽四百三十七

屬鏤

史記吳太伯世家索隱曰劍名見越絕

無餘都會稽山南今越城是也

史記越世家正義

句踐遊臺上有龜公冢在

寰宇記九十六

興平二年分立吳寧縣

餘暨西施之所出

上並見後漢書郡國志注

棟猶鎮也

水經漸江水注

越王句踐既為吳辱常盡禮接士思以平吳一日出遊見

蛙怒句錢揖之左右曰王揖怒蛙何也答曰蛙如是怒何

敢不揖於是勇士聞之皆歸越而平吳

太平廣記四百七十三

闔廬既重莫耶乃復命國中作金鉤有人貪王賞之重殺

其兩兒以血釁鉤遂成二鉤獻之闔閭詣官求賞王曰為

鉤者衆多而子獨求賞何以異於衆之鉤乎曰我之作鉤也殺二子成兩鉤王曰舉鉤以示之何者是也於是鉤師向鉤而哭呼其兩子之名吳鴻扈稽曰我在此王不知汝之神也聲未絕於口兩鉤俱飛著於父之背吳王大驚曰嗟乎寡人誠負子迺賞之百金遂服其鉤文選吳都賦注亦見吳越春秋伍子胥水戰兵法內經曰大翼一艘廣一丈五尺二寸長十丈文選待遊曲阿後湖詩注御覽三百十五作廣丈六尺長十二丈容戰士二十六人櫂五十人舳艫三人操長鉤矛斧者四吏僕射長各一人凡九十一人當用長鉤矛長斧各四弩各三十二矢三千

三百甲兜盤各三十二

街覽三百十五

中翼一艘廣一丈三尺五

寸長九丈六尺

原作五丈六尺

小翼一艘廣一丈二尺長

九丈

侍遊曲阿後

詩注按此本吳事而初學記二十五

越為大翼中翼小翼之船

以水載戰皆屬之越疑誤

闔閭見子胥敢問船軍之備何如對曰船名大翼小翼突

冒樓船橋船令船軍之教比陵軍之法乃可用之大翼者

當陵軍之重車小翼者當陵軍之輕車

也突冒者當陵軍之衝車樓船者當陵軍之行樓車橋船

者當陵軍之輕足驃騎也

街覽七百七十橋船書鈔百三十八

街覽七百七十橋船書鈔百三十八

街覽七百七十橋船書鈔百三十八

吳王聞問伍子胥軍法子胥曰王身將即疑船旌麾兵
戟與王船等者七艘將軍疑船兵戟與將軍船等三船皆
居於大陣之左右有敵即出就陣更卒皆銜枚歌擊鼓

者斬

御覽三百五十七按以上三條蓋皆兵法篇之僅存者

在越為范蠡在齊為鴟夷子皮在陶為朱公

史記越世家正義

西施亡吳國後復歸范蠡同泛五湖而去

吳地記

蜀有蒼鵠狀如春花

御覽九百二十二

右從小萬樓卷叢書錄出

越絕書佚文

蕭山西子之所出

續漢郡國志

漢官儀佚文

應劭撰

里諺曰仕宦不上車生耳

詩紀補

俊按漢官儀有孫氏星衍輯本杜氏古謠諺三十二
錄之復據詩紀補探出此條以補孫氏所未及今祇
據杜氏本錄之凡孫氏已採者不錄

御史臺記佚文

石抱忠檢校天官郎中與侍郎劉奇張詢古同知選抱忠
素非靜慎劉奇久著清平詢古通婚名族將分鈐時人語
曰有錢石下好無錢劉下好士夫大張下好斯言果徵抱
忠二字据全唐詩十二補後與許子儒同知選劉奇獨以公清稱抱
忠師範子儒頗任令史勾直每涖官呼曰勾直乎時人又
為之語曰碩學師劉子儒生與言抱忠後與奇同棄市選
人或為擯抑者復為語曰今年柿子送遭霜為語石榴須

早摘廣記五百五十五

後按說郭五十一列此書而此條漏采今據廣記錄
之杜氏文瀾說

華陽國志佚文

晉常璩撰

卷二

漢中志

諸葛亮相蜀鑿石架空為飛梁閣道以通蜀漢即古劍閣道也初學記 御覽百六十六

俊按今本漢中志云有劍閣道三十里至險有閣射桑下兵民也顧氏觀光曰初學記御覽並引云云疑是此處缺文

郡居河池一名仇池池方百頃 水經漾水注

俊按今本作有瞿堆百頃廖氏 云疑此有脫文

卷三

蜀志

萬里橋在成都縣八十里蜀使費禕使吳諸葛亮送之
歎曰萬里之路始於此橋因名萬里橋 御臨見七十三

俊按今本成都縣郡治無之顧氏云當是此縣
佚文

元武山一名三嵎山山出龍骨傳云龍曰升天不達陸此

民取以入藥元武縣因山得名

御覽百六十六

俊按今本故掘取得龍骨顧氏云御覽云云與此絕異檢本書亦無元武縣附識於此

汶山有鹹石煎之得鹽

御覽五十二

事類賦注鹹作鹽

俊按今本土地剛鹵不宜五穀顧氏云疑是此

處缺文

因慰勞汶山吏及百姓詣武自訟一歲再度更賦至重
邊人貧苦無以供給求省部郡建以來四十五年矣
武以狀上遂省汶山郡復置都尉

寰宇記

俊按顧氏云舊本僅存因字餘並脫去依案字記

補

孝安延光三年復立之以為郡 續漢志注

氏道縣有岷阜江所出之處也 書鈔百五十七

都安縣有大芋如蹲鴟也

史記貨殖傳正義

漢書貨殖

廣陽縣山出青珠

初學記二十七

御覽八百三

今夷人共營其地

此句依史記夏本紀正義

方百里不敢居牧有過逃其野中不敢追云畏禹神能

藏三年為人所得則共原之云禹神靈佑之

續漢志蜀郡廣柔注

有王壘山出壁玉蒲水所出續漢志蜀郡縣虎通注

漢嘉郡以禦雜夷宜炫耀之乃雕飾城牆華畫府寺

及諸門作山神海靈奇鑿齒夷人出入恐驪馬

或憚之趙趙御覽七百五十

漢嘉縣此三字依史記司馬相如傳索隱補有沫水從邛崃出岷江又從

岷山西來入江合郡下青衣江入大江土地多山續漢志注

二水于漢嘉青衣縣東合為一川自下亦謂之青衣水

水經沫水注

出丹砂雄雄黃空青青碧續漢志蜀郡

九折乃至山上凝冰夏結冬則劇寒

續漢志 蜀郡王陽屬國嚴道注

行部至此而退者也

後漢書西夷傳注

旄地也在邛崃山表邛

人自蜀入度此山甚險難南人毒之故名邛崃有鮮水

若水一名洲江

續漢志 蜀郡屬國旄牛注

邛都河有峰嵩山

續漢志注

靈關道有銅山又有利慈

續漢志注

丹陽縣西北十五里有龍鶴山

初學記八 眉州

合江北有綾錦山

又瀘州

臺州合川縣石鏡山在縣西北四十五里其上有石臺

皎潔照之莫不備見形體故謂之石鏡山山下又有銅
窟隋初於此置監鼓鑄錢刀馬御覽四十四

牛飲水者皆程鄭於此飲牛江為之竭因以為名御覽
九百

事類賦二十二注

卷四 南中志

珠有黃珠白珠青珠碧珠御覽八百三

梁泉縣東八十里有紫柏板初學記八

卷八 大同志

永寧元年春正月獻遣萬餘人斷北道於縣竹以長

史費遠為繼前軍宿石亭特等相合得七百餘人夜

襲之因放火殺盡軍畧盡進攻成都顧云攻字城中

恂懼中郎常美與費遠率必張微等顧云微亦夜斬關

委廩走文武散盡廩獨與妻子乘小船順水至廣都為

下人朱竺所殺顧云原衍哀威字和叔本巴西安漢人

也祖世隨張魯內移家趙趙王倫器之歷長安令天門

武陵太守來臨川長子曷在洛亦見誅特派西成都殺西

夷護軍姜發及襲尼相都令秦洽因大抄掠還牙門王角

李基詣洛表狀初梁州刺史羅尚州廩反表廩非雄才又

蜀人不願為亂必無同者事終無成敗亡可計日而俟惠
帝因拜尚平西將軍假節護領西夷校尉益州刺史給衛
節兵一千梁州兵二千又配上庸都尉義部千五百人合
四千五百人遷梓潼太守樂陵徐儉為蜀郡楊烈將軍龍
西亭冉為廣漢太守羅尚又表請牙門將王叡兵七千餘
人入蜀特等聞尚來甚懼使弟驥奉迎特厚進寶物尚以
驥為騎督特流奉牛酒勞尚於縣竹王敦說尚曰特等隴
上塞盜劫賊宜軍無後患也會所殺之亭丹本趙王倫
所用非資次召當還欲討威以自新亦言之尚不納又

冉謂特曰故人相逢不吉當凶特自猜懼三月尚治汶山
羌反於都安之大戡山遣王敦討之殺數千人大沒女弱
為生口敦單馬馳為羌所殺御史馮該張昌搆秦雍州從
事督移還流民徙者萬餘家而特兄輔素留鄉里託言迎
家即至蜀因謂特曰中國亂不足還造天水間去累詣尚
求弛領校權傳至秋並進貨賂於尚該許之及秋又求至
冬年冉季苾以為不可必欲移之式為別駕杜駿說遷移
利害駿亦欲寬送民一年辛冉季苾以為不可尚從之駿
致秀才板出還家知計謀不行故也時有白虹頭在井里

尾在東山拖太城上治中從事巴西馬休問閻式曰此何
祥也式曰占言下有萬屍氣甚迫於城非佳應天孽可達
乎西平若能寬送民災自消矣冉苪又白尚流民前廢亂
際多所枉沒沒宜因移設關以奪取秋七月尚移書梓潼所
在扼關八月關皆城闕式日無寇而城儼必保之蜀將亂
矣九月遣軍軍縣竹楊言種麥實備越逸冉又購特
流首百匹特贖悉更其購云能送六郡大姓閻楊任楊李
上官及氏史梁竇符隗董費等首百匹流民本無還
意大驚駭趣特冬十月特流乃保赤祖為二營特稱鎮北

益州流鎮東皆大將軍兄輔驃騎弟驍驍將特長子湯
鎮軍少子雄前軍李含西夷校尉含子國離及任回上
官晶李攀貴他皆將軍以天水任臧上官怡楊褒楊發
楊珪王達趙歆陰平李遠李博畧陽夕斌等參佐而問
式何巨趙肅亦為賓從其餘皆有官號辛冉遣護軍曾
元攻之為特所殺尚督護田佐牙門劉茲助冉復敗進
圍廣漢尚復遣健為太守李苾長史費遠助冉不能
克冉託罪於縣令令南郡岐苞斬之而潰圍走德陽
特等得廣漢詐為表奏稱引梁統推舉賓貴融故

事以自貴尚書檄告喻闕式式答曰辛冉傾巧杜景任發遭
元小墜田佐血氣不治孝叔平才經廊廟無將帥之氣
討羸之寇羗謂可長爾式前為節下及杜景文論留徙
之宜人懷柔梓執不願之但往初至隨穀庸賃一室五
分復值雨潦乞須冬熟而不見聽必窮蹙抵虎但恐
繩之太過逆民不肯延頸受刃其愛在後即聽式言
寬便治嚴不過去九月盡集十月坐進道今達鄉里
何有如此也雅聽未察卹彼過言今辛冉奴亡叔平
長遷支分勢解事漸及已所謂不結由突遠新而

有焦爛之客也尚率其民率盡渡鄆水以南尚阻長圍自
都安至犍為七百里捍特特等保廣漢

俊按顧氏云此上俗本全脫故依宋本錄之

卷九 李特雄期壽勢志

李勢字季仁洛陽臨渭人本巴西宕渠賁人也其先李特
因晉亂據蜀特子雄稱號成都祖驥特弟也驥坐壽壽
篡位自立勢即壽子也晉安西將軍伐蜀勢歸降遷
之楊州自起至十六世三十七年

世說識鑒篇注

俊按顧氏云三十七當依今本作四十七又曰常氏

李勢志傳寫脫漏宋張嘉脣取通鑑諸書補之俗本甚明廖氏以為李鑒所續誤矣

卷十上

此卷原脫今依宋本錄之

先賢士女總讚

含和誕氣人倫資生必有賢彥為人經紀宣德達教博化篤俗故太上立德其次立功其次立言品物煥炳彝倫攸敘也益梁爰在前代則夏勲配天而彭祖體地及至周世韓服將命姜子忠堅然顯者猶鮮豈國史簡闕亦將分以秦楚希預華同負漢興以來迄乎魏晉名士克生髦俊益

世愷元之瞻感於帝恩於是墨書交馳於斜谷之南東帛
戈交於梁益之鄉或迺龍飛紫閣允陟璿璣亦有盤桓利
居經綸皓素其軌懷道術服膺六藝弓車之招旃旌之命
徵名聘德忠臣孝子烈士賢女高劬足以振元風貞淑可
以方蘋蘩者弈世載美是以四方述作來世志士莫不仰
高軌以咨詠憲洪猷而儀則擅名八區為世師表矣故耆
舊之篇較美史漢而今志州部臣別未可總而言之用敢
撰約其善為之述攝因自注解甄其洪伐尋事釋義略可
以知其前言往行矣

蜀都士女

都當作郡

嚴平恬泊皓然沉冥 嚴遵字君平成都人也雅性澹泊
學業加妙專精大易耽於老莊常卜筮於市假著龜以
教與人子卜教以孝與人弟卜教以悌與人臣卜教以
忠於是風移俗易上下茲聞人得百錢則閉肆下簾
後老莊著指歸為道書之宗楊雄少師之稱其德杜陵
李強為益州刺史謂雄曰吾真得君平矣雄曰君但可
見不能屈也強以為不然至州脩禮交遊遂見之強服
其清高而不敢屈也歎曰楊子雲真知人也年十九十

平碑稱之曰不慕夷即由矣不作苟見不治苟得久幽而不改其操雖隨和何以加諸

仲元抑抑邦家儀形 李宏字仲元成都人少讀五經不為章句處陋巷泮勵金石之志威儀容止邦家師之以德行為郡功曹一月而去子贊以見辱故人太守曰賢者之子必不殺人故之贊自以枉語家人宏遣亡命太守怒讓宏宏對曰贊為故人之賊明府私宏枉法君子不誘而誅也石偕敬厚春秋識之孔子稱父子相隱直在其中宏實違贊太守無以詰也州命從事常以公

正諫爭為志楊子雲稱之曰李仲元為人也不屈其志
不累其身不夷不惠可否之間見其貌者肅如也觀其
行者穆如也聞其言者懃如也非正不言非正不行非
正不聽吾先師之所畏

子雲元達煥乎宏聖 楊雄字子雲成都人也少貧好道
家無擔石之儲十金之費而要如也好學不為章句初
慕司馬相如綺麗之文多作詞賦車騎將軍王音成帝
叔舅也召為門下吏薦待詔止甘泉羽獵賦遷侍郎給
事黃門雄既升祕閣以為辭賦可尚則賈誼升堂相如

入室武帝讀大人賦飄飄然有凌雲之志不足以諷諫
乃輟其業以經莫大於易故則而作太元傳莫大於論
語故作法言史莫善於蒼頡故作訓纂箴諫莫美於虞
箴故作州箴賦莫宏於離騷故反屈原而廣之典莫正
於爾雅故作方言初與劉歆王莽董賢同官竝至三公
雄歷三帝獨不易官年七十一卒自剄向父子桓譚等
深敬服之其元淵源懿後世大儒張衡崔子玉宋仲子
王子雍皆為注解吳郡陸公紀尤善於元稱雄聖人雄
子神童烏七歲預雄元文年九歲而卒

林生清寂莫得而名 林閻字公孺臨邛人也善古學古
者天子有輅車之使自漢興以來劉向之徒但聞其官
不詳其職職惟閻與嚴君平知之曰此使考八方之風
雅通九州之異司主海內之音韻使人主居高唐知天
下風俗也楊雄聞而師之因作方言閻隱遯世莫聞也
浼鄉忠貞社稷是經進賢為國稽考典刑愛莫助之身殞
朝傾 何武字君公郫人也初以對策甲科為郎歷揚
兗州刺史司隸校尉京兆尹清河楚沛太守廷尉御史
大夫成帝初具三公拜大司空封浼鄉侯為人忠厚公

正推賢進士存楚致兩龔在沛厚兩唐臨司隸致茂陵
何竝居公位進平慶忌皆世名賢臨州郡雖無赫赫之
名及去民思之才雖不及丞相薛宣翟方進而正直過
之哀帝即位以朱博趙元為公卿用事免官諫大夫鮑
子都亟言訟之丞相王嘉亦以為慨帝復徵武為御史
大夫徙前將軍時大司馬新都侯王莽避帝外家丁傅
氏避位亦以列侯見徵哀帝詔博舉太常莽從武求舉
武以莽奸人之雄不許哀帝崩王太皇太后莽姑也即
日引莽入收大司馬董賢印綬詔舉大司馬丞相孔光

等逼王氏皆舉莽武與左將軍公孫祿謀曰莽五公世
朝權傾人主必危劉氏乃舉祿祿亦舉武太后不從用
莽為大司馬莽諷有司劾奏皆免武就國後莽浸盛遂
為宰衡安漢公欲圖篡漢憚武與其叔紅陽侯王立不
從元始三年因呂寬吳章事檻車徵武武自殺眾咸寬
之莽欲厭眾心謚武曰刺侯子況嗣平帝崩莽因居攝
後僭王位

叔文播教變風為雅道洽化遠我實西魯 張寬字叔文
成都人也蜀承秦後質文刻野太守文翁遣寬詣博士

東受七經還以教授於是蜀學比於齊魯巴漢亦化之
景帝嘉之命天下郡國皆立文學由翁唱其教蜀為之
始也寬從武帝郊甘泉泰畤過橋見一女子裸浴川中
乳長七尺曰知我者後七車適得寬車對曰天有星主
祠祀不齊潔則作女令見帝感寤以為揚州刺史復別
馳莽之妖世稱云七車張作春秋章句十五萬言

長卿彬彬文為世矩司馬相如字長卿成都人也游京
師善屬文著子虛賦而不自名武見而善之曰吾獨不
得與此人同世楊得意對曰臣邑子司馬相如所作也

召見相如相如又作上林賦帝悅以為郎又上大人賦
以風諫制封禪書為漢辭宗官至中郎將世之作辭賦
者自楊雄之徒咸則之

王淵艷麗尉若華園

王褒字子淵資中人也以高才文

藻侍宣帝初為王褒作樂職中和頌宣帝時又上甘泉
洞簫賦帝善之令宮人誦之為諫大夫卒

子山翰藻遺篇有厚

廖云當作序

楊終字子山成都人也年

十三已能作雷賦通屈原七諫章後坐太守徙邊作孤
憤詩明帝時與班固賈逵並為校書郎則太史公書為

十餘萬言作生民詩又上符瑞詩十五章制封禪書著
外傳十二卷廖云外傳上當有春秋二字見後漢書章句十五萬言皆傳
於世者

少遷猛毅垂勲三邦 陳立字少遷臨邛人也成帝時牂
柯有亂將軍王鳳薦立為太守克平禍亂徙守巴郡秩
中二千石治有尤異又徙天水太守為天下最天子賜
黃金四十斤入為左衛護軍

世公賦政祥瑞來同 王阜字世公成都人也太守第五
倫察舉孝廉為重泉令有鸛鳥集於文學十餘日遷益

州太守神馬出滇池河甘露降白鳥見民懷之如父母
騎歟文父啟發幼童德濟會稽道崇辟雍 張霸字伯鏡
益曰文父成都人也年數歲以知禮義諸生孫林劉固
段著等宗之移家其字下啓母親求就師學母憐其稚
封曰饒能故字伯饒也為會稽太守撥亂興治立文學
學徒以千數風教大行道路但聞誦聲百姓歌詠之致
達名士顧奉公孫松舉海胡毋官萬虞先王演李根皆
至大位在郡十年以有道徵拜議郎遷侍中遂授霸五
更尊禮於文學

廖云文
當作大年
老卒葬河南

少府委退作卿作師 趙典字仲經成都人也太尉戒孫

也庾云孫當作子與穎川李膺等並號八俊三為侍中自樂祿

俸施貧方授國師未拜病卒

何楊研神貫奧入微 何英字叔俊邠人也楊由字哀侯

成都人也二子學通經緯英著漢德春秋十五卷孫汶

字景由亦深學初微上日食盜賊起有劾為謁者京師

早請雨即澍連捷為屬國著世務論三十篇卒楊由為

太守廉范文學范稱能治由言當有賊發項之廣柔羌

反寇殺長姚超鄉人冷豐齋酒候至值客未內由為知

其多少又言人當致果其色赤黃果有送甘橘者大將軍竇憲從太守索雲氣圖由諫莫與尋憲受誅其明如此著書十篇而卒

司農明允國憲是維 任昉字文始成都人也初為某令治奸賊七十餘人遷梁相尚書令清身檢下大將軍梁冀憚之出為魏郡徙平原歲出租稅百萬冀誅復入為尚書令司隸校尉遷大司農卒弟愷徐州刺史亦有治名昉父循字伯度為長沙太守符其父時為五官事在精通也

翁君美秀牧後寤機

廖云後當作后

何霸字翁君司空武兄也

為郡戶曹刺史王尊將之官移諸郡太守不得遣迎唯

霸白宜往太守遣霸尊大怒霸對曰太守遣霸非脩敬

也以去京師久遲知朝廷起居耳尊遽下車持節對之

因奇霸容止辟為別駕舉秀才為屬國中郎將弟顯此字

依目錄補顯川太守兄弟五人皆有名

伯騫惟賢求善如飢

柳宗字伯騫成都人也初結九友

共學號九子及為州郡右職務在進賢拔敘求次方張

叔遠王仲曾殷智孫等終至牧守州里為諺曰得黃金

一筭不如為伯憲所識舉茂才為陽夏太守

廖云當依目錄作美

合場

文侯顧印極位台衡

文侯趙戒字志伯少府典祖也

廖云

祖當作父

父定以遊俠稱戒順桓帝之世歷司徒太尉登特

進屢居公輔器免憂患於無妄之世告歸於蜀薨家

太尉顧頌志振頹綱

趙謙字彥信戒孫也歷位卿尹初

平元年為太尉時董卓秉政欲遷天子長安謙與司空

荀爽固諫卓不聽以為車騎將軍奉大駕西幸封洛陽

侯拜司隸校尉忤卓指免討白波賊有功封侯

廖云侯上當有

郭進司徒免拜尚書令太僕三年薨謚曰忠侯

司徒繼踵佹佹權橫

趙溫字子柔諫弟以侍中與

廖云當有

大駕同輦西還封江南亭侯兄亡初平四年拜司空未

奏進司徒當世榮之時車騎將軍李傕與董卓承張濟等

爭權數遷移天子溫以書切責於傕天子聞為寒心尋

曹公入從天子都許政出諸侯禮待溫居公位十五年

建安十三年薨

猶操道柄董卓是讓

讓責也董卓李傕凶擅讓溫干之

初文侯與李固胡廣議立清河王蒜而冀欲立蠡吾侯

趙戒脅而從之使李固枉死君子以為卓惟之惡甚於
梁冀諫摩卓之身溫弄惟之爪雖逼權勢以道陳訓賢
其祖遠矣

侍中授命分節亦彰 常洽字茂尼江原人也自荊州刺
史遷京兆尹侍中長水校尉以兵衛大駕西幸惟等作
難常侍衛天子左右為催所殺

蠻夷猾擾倡亂南蠻子恭要傳醜穢子懷 楊疎字子恭

成都人也永初中廖云永
當作元越嵩永昌夷反殘破郡縣衆

十萬餘刺史張喬以疎勇猛授從事任平南中疎先以

詔書告喻不服乃加誅殺虜三萬餘人獲生口千五百人財物四十萬降夷三十六種舉正奸濁長吏九十人黃綬六十人南中清平會被傷卒喬舉州而贈列盡東觀

伯春孟元匡正時君

張充字伯春李晃字孟元江原人

也充為治中從事時刺史恃豪每見從事布席地坐已自安高牀上无入閭不肯進刺史寤乃更禮從事刺史辟公孫特大姓掾為李威橋稚充舊校云時有水灾倫受刺史指以漢中斗平不足表聞晃固爭之後刺史

至與倫不平求郡短勅倫不言水災統對以詔書上定
吳不得由州倫遷司空辟兗掾

楊羅為令遺愛在民 楊班字仲桓成都人也羅衡字仲

伯郭人也俱師徵士何初山

廖序傳云當作幼正後漢書楊何長幼正是也

班為不韋茂陵令治化浹洽徙西城閭中令號時名宰

衡為萬年令路不拾遺人家牛馬皆繫道邊曰屬羅公

三府爭辟拜廣漢長二縣皆為立祠

小伯溫恭預圖意紛 陳湛字小伯成都人也歷數縣令

民皆懷服州辟治中從事廣漢太守遣子詣州脩敬交

使君欲納湛諫不可失羔羊義使君從之後有言州郡
私交者考之無得乃明也

孟由至孝避葉歸風禽堅字孟由成都人也父信為縣

史越禽

廖云史
當作使

為夷所得傳賣歷十一種去時堅方姓

六月生母更嫁堅壯乃知父湮沒鬻力傭賃求碧珠以
求父一至漢中三出徼外周旋萬里經六年四月突瘴
毒狼虎乃至夷中得父父相見悲感夷徼哀之即將父
歸迎母致養州郡嘉其孝召功曹辟從事列上東觀太
守王商追贈孝廉令李苾為立碑銘迄今祠之

仲旦魁師 仲旦成都人也少受業於嚴季后季后為汶
江尉書呼仲旦仲旦許十月往會夷反斷道仲旦期於
往經度六七幾死數年卒得至汶江為季后陳策俱得
免難遠近歎之

叔本慕仁 任末字叔本新繁人也與董奉德俱學京師
奉德病死推鹿車送其喪師亡身病齋棺赴之道死道
令教子載喪至師門敬平生之志也

伯禽澄將 朱普字伯禽廣都人也為郡功曹太守與刺
史王異有隙枉見勅普詣新都獄掠笞連月肌肉腐臭

惡同死人證太守無事教其子曰我死載喪詣闕使天子知我心事得情理普以烈聞

文寺代君 李卿馨字文寺嚴道人也為長章表主簿施牛夷叛入攻縣表倉卒走鋒刃交至馨傾身捍表謂虜曰乞殺我活我君虜乃殺之表得免太守嘉之圖象府庭

在三義教終始可稱 人生於三事若一君父師也言人靡不有初鮮克有終普馨可謂能終始也

炎光中微巨迷僧亂 炎火光也漢以火德王自高祖至

平帝十二世國嗣三絕平帝早崩安漢公王莽字巨君
遂篡天子位稱新室皇帝而茂陵公孫述字子陽為莽
導江卒正遂僭號於蜀

章王劍首 章明字公儒新繁人也王皓字子離江原人
也明為太中大夫莽篡位歎曰不以一身事二主遂自
殺皓為美陽令去莽歸蜀公孫述僭號述字依御覽四
百三十八補又
御覽借號下使使聘之皓乃自劍以頭付使者述慙怒
有高之二字誅其妻子

侯剛哭漢 剛字直孟新繁人也為郎見莽篡位佯狂負

木斗守關號哭莽使人問之對曰漢祚無窮吾寧死之
不忍事非主也莽追殺之

公卿絕脰亦蹈節貫 王嘉字公卿江原人也為郎去莽

還蜀

還下原衍雷
字依康校則

公孫述先聞其妻子使人徵之嘉聞

王皓死歎曰吾後之哉亦自殺述慈賞其妻子

羅生美至恩濟艱難述方遂非錢使貞幹 羅衍字伯紀

成都人也為述郎說述尚書解文卿鄭文伯使諫述降
漢為子孫福解鄭從之述怒閉二子於薄室六年二子
守志不回遂幽死衍卒察孝廉徵博士

劉主割據資我英俊鴻臚淵通與道推運 何宗字彥若
郫縣人也通經緯天官推步圖讖知劉備應漢九世之
運讚立先主為大鴻臚方授公輔會卒

君肅矯矯類類倬倬 何祗字君肅宗族人也初隸為楊
洪為太守李嚴功曹去郡數年以為蜀郡嚴猶在官祗
為洪門下書佐去郡數年以為廣漢洪猶在官是以西
土咸服諸葛亮之能攬拔秀異也祗徙隸為太守卒
輔漢朗掇服時之愍 張裔字君嗣成都人也汝南許文
休稱其才鍾元常輩也為漢輔漢將軍丞相長史丞相

北征居府統事足食足兵

太常清密遠遠鉤深 杜瓊字伯瑜成都人也師事任定

祖通經緯術藝為太守常沈默慎密稱諸生之瀛

休休眾彥殊塗同臻金聲玉振蜀之球琳 休休美也眾

彥言此四十三人也易曰殊塗同歸百行齊致貴於流

光顯稱揚名垂世此四十三人者雖立行不同俱以垂

美如金玉之音器為世名寶

述蜀郡人士

敬司穆穆暢始元終 敬司馬氏女五更張伯饒妻也霸

前妻有三男一女敬司產一男撫教五子恩愛若一霸
卒葬河南敬司與諸子還蜀疾病遺令告諸子曰葬
蒼梧二妃不從汝父在梁吾自在蜀亦各其志勿違吾
教也遂葬蜀子光超稟母教為聘士也

叔紀婉婉十媛仰風 叔紀霸女孫也適廣漢王遵至有
賢訓事姑以禮生子商海內名士廣漢周幹古朴彭緄
漢中祝融為作頌曰少則為家之孝女長則為家之賢
婦老則為子之慈親終溫且惠秉心塞淵宜誼曰孝明
惠母

公乘氏張兩髦義崇 公乘會妻廣都張氏女也夫早亡

無子姑及兄弟欲改嫁之張誓不許而言之不止乃斷髮割耳養會族子事姑終身

助陳撫孩節篤分元 助陳臨邛陳氏女健為楊鳳珪妻也鳳珪亡養遺生子守節兄弟必欲改嫁乃引刀割咽宗族駭之幾死遂全其義

二常苑苑顏構再隆 元常靡常江原人也元常廣都令常良女適廣漢便敬賓早亡元常無子養賓族子父母欲嫁乃祝刀誓志而死靡常仲山女適成都殷仲孫家

遭疫氣死亡惟靡常在十八

廖云此二字當在死上下

收葬諸喪養

遺生子立美成家

紀常哀哀精感昭融

紀常常侍女常洽女趙侯夫人也

父遇害長安其二兄皆先沒遣父門生翟登張順迎喪時寇賊蜂起晝夜悲哀順登得將喪無恙還時人皆以紀常精神所感

貢羅誓志

貢羅郢羅倩女景奇妻也奇早亡無子父愍

其年壯以許同郡何詩貢羅白書誓父不還家父使詩乃白州告縣逼遣之羅乃訴州刺史高而許之

琰何忘生 琰何邨何氏女成都趙憲妻也憲早亡無子
父母欲改嫁何志憤自幽乃不食旬日而死郡縣為立
石表

昭儀殉身 昭儀新繁張氏女廣漢朱叔賢妻也賢為郡
督郵建安十九年到王園劉璋於成都賢坐謀外降璋
以昭儀配兵將見逼昭儀自殺三軍莫不哀歎

二姚見靈 廣柔長郛姚超二女姚姚饒未許嫁隨父在
官值九種夷反殺超獲二女欲使牧羊二女誓不辱乃
以衣連腰自沈水中死見夢告兄慰曰姊妹之恩喪當

以某日至既下慰寤哀悵如夢日得喪郡縣圖象府庭
我我淑媛表圖銘旌 淑善媛婉婉也言此十二女皆圖

象列傳

述蜀郡列女

右蜀郡士女譜第一

凡五十五人四十三人士

巴郡士女此下宋本亦脫今依目錄補此
標題而以諸書所引逸文附之

任文孫字文公閬中人初武擔山石折文公曰噫西方智
士死吾其應之遂卒益部為之諺曰藝文廿一任文公智

無雙

御覽四百三十二
按蜀志有而卷

徐誦字子產少讀書日不過五十字誦千遍乃得終成儒

學書鈔九十八
御覽六百十六

譙隆為上林苑令武帝欲廣上林隆言堯舜至治廣德不

務林苑帝後思其言徵為侍中藝文四十八
御覽二百十九

陳禪字紀山安漢人也拜諫議大夫西域獻幻使天子與

公卿觀之禪獨伏不視御覽四百廿八
按此異

張翕字子陽巴郡人為陰平郡守御覽陰平二字倒
依書鈔三十八布衣

蔬食儉以化民自乘二馬之官久之一馬死一馬病翕曰

吾將步行矣書鈔云吾將步還也遷越當太守此句依書鈔夷漢甚

安其惠愛在官十九年卒百姓號慕送葬者千數天子嗟

歎賜錢十萬為立祠堂後太守數煩擾夷人叛亂俞子淵

御覽誤作端目錄又作瑞方察孝廉天子起家拜越當太

守迎者如雲此上並見御覽後端亦著治績此條今本僅存末三句而

錯簡在蜀志汶山郡下端字又誤為蜀郡趙溫四字皆其人增改也今以諸書所引考之當在此

郝伯都閬中人為郡史太守每見之垂泣伯都請白其故

太守曰亡男為人所殺汝身似之故悲感伯都問其讎所

在太守曰臺閣不可得也伯都乃交游與甘春卿為友共

伺讎為吏所得伯都乃還首二人爭死會赦得免書鈔百三十九

卷十中

此卷原脫今依宋本錄之

廣漢士女

講學冲還洙泗是歸唐帝紹聖庶熙時咨 楊宣字君緯

什邡人也少受學於楚國王子張天文圖緯於河內鄭

子侯師楊公叔能暢鳥言長於災異教授弟子以百數

成帝徵拜諫大夫帝無嗣宣上封事勸宜以定陶恭王

子為太子帝從之出宣為文州牧太子即位為哀帝拜

河內太守徵太倉令上言宜封周公孔子後帝從之封

周公孫相如為襄魯侯孔子後孔均為襄成侯又為遼東王綱瑯琊徐吉太原郭越楚國龔勝等宜諡隆時雖平帝時命持節為講學大夫與劉歆共校書居攝中卒門生河南李吉廣漢嚴象趙翹等皆作大儒

長伯撫遐聲暢中畿析虎命邦綽有餘徽 鄭純字長伯鄭人也為益州西部都尉處地金銀琥珀犀象翠羽出作此官者皆富及十世純獨清廉毫毛不犯夷漢歌歎表聞三司及京師貴重多薦美之明帝嘉之乃改西部為永昌郡以純為太守在官十年卒列畫頌東觀

三老決決實作父師 楊統字仲通新都人也事華里先生炎高高成統曰漢凡世王出國書與卿通應之建武初天下求通內識二卷者不得永平中刺史張志舉統方正司徒魯恭辟掾與恭共定音律上家法章句及二卷解說遷侍中光祿大夫以年老道深養於辟雍授几杖為三老卒內識二卷竟未詳

平仲淑道殆乎庶幾 王祐字平仲鄭人也少與雒高士張浮齊名不應州郡辟命司隸校尉陳紀山名知人稱祐天下高士年四十二卒弟獲志其遺言撰王子五篇

東觀郎李勝文章士也作誄方之顏子列書學官

舊校云校

一作

文父明洞探蹟索微楊序字仲桓統仲子也道業偉父

三司及公車連被辟拜侍中上言四方及荆揚交州當

兵起人民疫蝗洛陽大水宮殿當灾三府當免陰臣近

威謀變陰臣二字原空格皆效驗大將軍梁冀秉權自

退歸家遂脩黃老此六字原空格授門徒三千人本初

元年及建和中特徵聘不行年八十三卒天子痛惜詔

謚曰文父弟子雖昭約節牢縣竹寇惟文儀蜀郡何長

續鮑參并鄭墓逸類案

幼正侯祈升伯巴郡周舒叔布及任安董扶等皆徵聘
辟舉馳名當世

元章元伯輜光匿采輝

原誤耀依
廖校改

段翳字元章新都人

也明經術妙占未來常告大渡津口曰某日當有諸生
二人荷擔問翳舍處者幸為告之後竟如其言又有人
從冀州來學積年自以精究翳術辭去翳為簡作書封
頭與之告曰有急發之至茂萌爭津吏掘從者頭諸生
發簡簡中有書曰到茂萌爭津破頭以膏裹之生不喟
然知不及翳還更精學翳常隱匿不使人知門人皆號

夫子

稚子奕奕古之畏愛 王渙字稚子鄭人也初為河內溫
令路不失遺臥不閉門民歌之曰王稚子世未有平徭
使百姓喜遷兗州刺史部中清肅清徵拜侍御史洛陽
令聰明忠斷公平廉正抑強扶弱化行不犯發奸擿伏
患若有神京華密靜權豪畏敬元興元年卒百姓痛哭
二縣而喪行人商旅莫不祭之賈胡左威遭其清理制
服三年洛陽弦歌之為立祠天子悼惜每下詔書德令
必賜後嗣與卓茂等為伍

敬伯愷悌樹德播惠

王堂字敬伯鄭人也初臨邑郡進

賢達士舉孝子嚴永隱士黃錯及張瑞陳髦民為立祠

徙任右扶風政教嚴明帝舅車騎將軍間顯大將軍竇

憲中常侍江京等囑託輒拒之白鹿見象不以為祥徙

魯相又徙汝南守舉陳蕃為功曹應嗣

廖引後漢書堂傳云委功曹陳

蕃又云任主簿應嗣此應嗣下當有脫文

司隸校尉號知人之鑑

叔宰濟濟以禮進退

馮顗字叔宰鄆人也少師事楊仲

桓及蜀郡張光超後又事東平虞叔雅初為謁者威儀

濟濟為成都令遷雋越雋太守所在著稱為梁冀所不

善莫風州進之隱居作易章句及刺奢說脩黃老恬然
終日

大匠奇暢妙監元察盡言世規祇以隕越 瞿瞿字子超
雒人也少事段熲以明天官為侍中尚書常見太史令
孫懿歎歎涕泣曰圖書有賊臣孫登將以才智為黃
門開路君表相應之是以悽愴後為京兆尹光祿大夫
將作大匠上言漢四百年當有弱主閉門聽政數在三
百年之間薦故太尉龐參故司徒李邵明通三才忠正
可以輔世所言每指刺疾權責誣黜及尚書令高堂芝

交構免死者援神契經說卒家

司隸聰敏奮名後葉 郭賀字喬卿雖人也初為太守黃

幸戶曹幸有事於與漢中太守李榮俱被徵賀勸緯星

行諸詔獄自歸得免榮稽留詔殺之由是顯名太守蔡

茂命為主簿茂夢坐殿極

此二字原誤作太極殿三字

茂傳注云屋之大者古通呼為殿極殿上得嘉禾三穗

梁也前書音義曰三輔間謂屋梁為極以問賀對曰明府位當至三公旬月茂遷司徒表賀明

律令稍遷侍中尚書僕射司隸校尉荊州刺史百姓歌

之曰厥德仁明郭喬卿

此十五十字依明帝南巡狩云

帝到時善其治賜三公服去襜露冕使百姓見之以彰

有德北十七字微河南尹卒天子痛惜賜錢三十萬

鍾蔡翩翩交友惟賢 鍾顯字子誦鄭人也蔡弓字子塞

雖人也俱攜手共學冬則侍親春行受業與張霸李邵

張皓陳禪為友共師司徒魯恭顯又與王稚子同見察

孝於太守陳司空歷豫州刺史光祿大夫侍中衛尉弓

為廬江太守徵拜郎而霸邵皓禪皆至公卿

兩李麗采文藻可觀 李尤字伯仁李勝字茂通雖人也

侍中賈逵薦尤有相如楊雄之才明帝召初學記十二書鈔五十六

有入作東觀辟雍德陽諸觀賦銘懷戒頌百二十銘

著政事論七篇帝善之拜諫大夫初學記書鈔云樂遂拜諫議大夫

安相後與劉珍共撰漢記孫充有文才勝為東觀郎著

賦諫原誤諫廖依後漢書改論頌數十篇

憲父懸車王稚字叔起堂幼子也屢拒孝廉公府十五

辟公車徵及授二千石徵以太常終不詣年八十一卒

門人錄其本行謚曰憲父癸未詔書以安車聘請會已

止

徵君肥遯馮信字季誠鄭人也郡三察孝廉州舉茂才

公府十辟公再車再徵不詣公孫述時託日青侍婢
姦其前陽不覺遂卒以年老不出

董任循志束帛戔戔董扶字茂安任安字定祖縣竹人
也家居授教弟子自遠而至扶初應賢良方正詣京師
宰府十辟公車三徵再舉有道為侍中觀漢將亂求為
屬國還蜀安察孝及茂才公府辟公車徵皆不詣卒布
衣弟子杜微何宗杜瓊皆名士至卿佐

文表范博徒攜士彥王商字文表廣漢人也博學多聞
州牧劉璋辟為治中試守蜀郡太守荊州牧劉表大儒

南陽宋仲子遠慕其名皆與交好許文休稱商中夏王
景興輩也商勸璋攬奇拔雋甚善匡採薦致名士安漢
趙建及陳寶盛先墊江龔楊趙敏黎景閔中王澹江州
孟彪皆至州右職郡守又為嚴李立祠正諸祀典在官
一十年而卒

趙類拔萃實惟世信 劉寵字世信縣竹人也出自孤微
以明公羊春秋上計闕下見除成都令政教明肅時諸
縣多難治乃換寵為郫令又換郫安漢皆垂績還在茂
都遷梓柯太守初乘一馬之官布衣蔬食儉以為教居

郡九年來之而還吏人爲之立銘王商陳實當世貴士
皆與爲友

節英元烈仰祈鼎臣 段恭字節英雄人也少周流七十
餘郡求師受學經三十年凡事馮翊駱異孫泰山彥之
章渤海紀叔陽遂明天志二卷東平虞叔雅學絕高當
世遂遊於蜀恭以朋友禮待之後爲上計掾會有司勅
太尉龐參兼舉茂才孝廉參性忠正亮直爲貴戚所擠
以志發病遠近稱冤恭不能耐其枉元疏表參忠直不
當以讒佞傷毀忠正帝悟即日召西曹掾問疾尋羊酒

慰勞奏志

士遊孝滿感物悟神 姜詩字士遊雒人也事母至孝母
欲江水及鯉魚膾炙不能獨食須鄰母共之詩常供備
子溺汲江溺死祕書道寧不使母知於是有涌泉出於
舍側有江水之香朝朝出鯉魚二頭供二母之膳其泉
灌田六頃施及比鄰公孫述平後東精為賊掠害不敢
入詩里時大荒飢精熟米肉與詩詩埋之永平三年察
孝廉明帝詔曰書鈔七年大孝入朝孝廉一切皆平之
書鈔云諸孝除江陽符長所居鄉皆為之主祠
一切皆平也

少林陰德陽報是甄 王忱字少林新都人也游學京師
見客舍有一書生因病忱隱視奄忽便絕有金十斤忱
以一斤買棺木九斤還要下葬埋之後為大度亭長大
馬一匹來入亭中又有繡被一領飛墮其前人莫識者
郡縣以界忱後來馬到雄勝馬牽忱入他舍主人問忱
所由得馬忱具說其狀并及繡被主及人悵然曰卿何
陰德而致此忱說昔埋書生事主人驚曰是我子也姓
金名彥卿乃葬之不報天彰卿德辟舉茂才除郿令宿
樂亭中數有人為鬼所殺忱上樓夜半有女子揖跪曰

妾潘令妻也。當之官，宿此柱為亭長所殺。大小二十口，埋存樓下。奪取財物，怵曰：「汝何故以恒殺人？」女子曰：「妾不得白，日惟依夜慙人，眠不肯應。」故殺之初，來時言無衣，怵以衣衣之，言訖投衣而去。旦召遊徼詰問，具服，即收同謀十餘人，殺之。送潘令喪還鄉里。當世稱之。

仲魚，諱冲，羊養字仲魚，鄭人也。父為交州刺史，卒官。養迎喪，不敢取官舍一物。郡三察孝廉，公府辟州別駕，皆不應。太守尹奉棄刑名，行禮樂，請為功曹。刺史必欲借，養自位不得已，為別駕。後為太守孫寶。蔡茂殺，諷曹功

曹當欲渡津津吏滯傳車待之三日將宿中亭中有縣吏引車避之為野王令

雲卿安貧 朱舍字雲卿什邡人也藝文八御覽二百受

學於蜀郡張甯滄豆藝文御覽並云舍豆屑飲水以諷誦同業憐

其貧資給米肉藝文御覽終終不受著河洛解家貧恆以

步行為郡功曹每察孝廉蓋碌碌諸公府試不就州辟

治中從事以諷誦自終

伯式元熙 折像字伯式雒人也其先張江為武威太守

封南陽折戾因氏焉父國為縣林太守家貲二億故奴

婢八百人盡散以施宗族鄰里親舊葬死而喪事未平
虞叔雅以道教授門人朋友自遠而至時人為謗曰折
氏家誰朱雲卿段節英中有佃子趙仲平但說天文
論五經

孟宗當仁 杜真字孟宗縣竹人誦書百萬言兄事翟醕
醕免復尚書令與司隸校尉枉劾之復徵詣獄真上帝
章赦之受掠笞六百獄中明醕無事京師壯之以漢道
微散財施宗族不應公府辟命及辟長吏候迎每交於
門乃斷髮以自絕

味道好施清風邁倫 贊仲魚以下也

漢儒請雨精感慶雲 諫輔由覽五百廿字漢儒新都人

為郡五官掾時天大旱請雨不降輔出禱祈乃積新祝

神曰二日此二字依御覽補不雨則欲自焚為貪叨吏謝罪百

姓言終暴雨

韓揆義烈 韓揆字伯彥縣竹人也為令時哀主簿值黃

巾賊入界扶衰走入草中哀遣求隱賢處未還哀為賊

所得見害揆殯殮葬埋訖詣從事賈龍求兵討賊賊破

曰本報令君而苟自活非忠乃自殺

喬雲勇震 左喬雲縣竹人也少為左通所養為子通坐任徒徙逃吏欲破通贖通無壯子故為吏所便喬雲時年十三喟然憤怒以銳刀殺吏解通走將令出追初聞以為壯士及知是小兒為之流涕

楊寬證將烈播友人 寬字叔仲新都人也父斌證令萬世太守被誣以忠義壯聞寬為郡吏鄉人馬閏章言太守立方寬與兄皆詣獄證之得理後方當達南郡閏復章之寬乃發閏臨私事閏伏罪友人汝銳為張朋所殺寬怒譚明送銳家使自謝之也

竇叔報仇 竇叔字茂秦廣漢人也與友人張昌共受業
太學昌為河南大豪呂條所殺叔殺條自拘河南獄順
帝義而赦之

張復師讎 張鉗字子安廣漢人也師事捷為謝哀哀死
負土成墳三年哀子為人所殺鉗復其讎自拘武陽獄
會赦免當世義之

賈為士死分俸虞朱 賈翔字元集什邡人也雖孟伯元
為父復讎聞相名往投之雖縣追伯元蹤相歎曰士以
義遇我豈可侮哉故雖縣有阮文必移什邡看我君乃

自教李勝言廖云當作林之以方虞卿魯之朱家

郭玉通直廖云當作術蓋亦所情 郭玉字通直廖云當作術字後漢書玉

傳無字可證新都人也明方術使妙用針作經方頌說官至

太醫丞廖云原衍校尉二字

爰迄劉氏司農舍章矣朗翠舉觀國之光 秦宓字子初

綿竹人也初隱遁不應州郡之命丞相亮領益州牧選

為別駕中郎將吳使張溫將反命亮率百官餞之溫與

宓語答問若響應聲辭義雅美溫大敬服以為蜀之有

宓猶魯有仲尼也遷長水校尉司農宓甚有道理弟子

諡周其傳其業

李王四子竝作琳瑯 李朝字永南弟邵字偉南鄭人也

王士字義強從弟甫字國山文表諸弟也先主領牧朝

為別駕羣下上先主為漢中王其文朝所造也廖云當有脫文

後丞相亮府辟西曹掾亦有文才兄弟三人號三龍士

歷宕渠掾為益州太守甫善言議人流美稱自隸竹令

為州右職

優游容與特進太常 韓承字公文鄭人也歷郡守州右

職為少府太常時費美秉政孟光來敏皆棲遲承以和

獨立特進之也

從事烈至諫君劍首 王累新都人也州牧璋從別駕張
松計遣法正迎先主主簿黃權諫不納累為從事以諫
不入乃自劍州門以明不可

鄭度進規忠謀莫受雖云天時抑由人咎 度綿竹人也
先主自葭萌南攻說牧璋曰左將軍懸軍襲我野穀走
資急驅巴西梓潼民由涪水以南一切燒除野穀固豈
待之彼請戰不許久無所資不過百日必當面縛先主
聞而惡之璋不納言雖在天亦由璋之愚

永年負才自喪世主 彭萊字永年廣漢人有俊才劉璋
時坐事為徒及先主入自託龐統為州右職失主意左
連江陽太守羨望諸葛亮以為心大志廣難可保勸先
主因事誅之

漢南更使天奪其守 李邈字漢南邵兄也牧璋時為牛
鞞長先主領牧為從事正旦命行酒得進見讓先主曰
振威以將軍宗室肺腑委以討賊元功未効先寇而滅
邈以將軍之取郾州甚為不宜也先主曰知其不宜何
以不助之邈曰匪不敢也力不足耳有司將殺之諸葛

亮為請得免久之為提為太守丞相參軍安漢將軍建

興六年亮西征馬謖在前敗績

此二字依蜀志楊戲傳注補

亮將殺

之邈諫以秦赦孟明用霸西秦戎楚誅子玉二世不競

失亮意還蜀十三年亮卒後主素服發哀三日邈上疏

曰呂祿霍去未必懷反叛之心孝宣不好為殺臣之君

直以臣懼其偏主畏其威故姦萌生亮身杖強兵狼顧

虎視

原誤臣依蜀志注改

五大不在邊臣常危之今亮殞歿蓋宗

族得全而戎靜息大小為慶後主怒下獄誅之

詵詵彥造或哲或友昭德音芳垂名厥後 總讚此四十

六人也

述廣漢人士

任母治內子成名賢 任安母姚氏也雍穆閨門早寡立
義資安遂事大儒安教授每為賑卹其弟子以慰勉其
志於是安之門生益盈門

龐行養姑婦帥之先 龐行姜詩妻也事姑晝夜紡績以
給供養子汲江溺水死祕言遣詣學常作冬夏衣投水
中諸託言寄與子詩呼妻使為姑春應命遽見遣不敢
遠去遊於外供給因鄰母致姑勸還

依依義舊抗疏拜庭誠感世主徙女輟刑 義舊狄道長
姜穆女縣竹司馬雅妻也既許婚父坐事徙朔方雅就
婚死雇人送其喪尋父母死朔方義舊獨與弟孤居十
年士大夫求終不肯乃上疏自訟求還鄉里天子愍悼
下朔方使送遂下詔書定律令女子許嫁不得從父母
徙

紀配斷指以章厥貞 紀配廣漢殷氏女廖伯妻也年十
六適伯伯早亡以已有美色處人求己作詩三章自誓
心而求者猶眾父母將許乃斷指明情養子猛終義太

守節鴻圖象府庭

彭王進娥踐體令誠 彭非廣漢王輔妻也王和新都人
便敬妻也李進娥鄭人馮季牢妻也輔早亡叔父欲改
嫁非乃詣太守五方截髮自誓敬亦早亡和養孤守義
蜀郡何玉因媒介求之兄曉喻以公族可憑和志割其
一耳季牢亦早亡父母欲改嫁進娥亦剪髮自誓各養
子終義

正流自沈玉潔冰清 正流廣漢李元女楊文妻也適丈
有一男一女而文沒以織履為業父欲改嫁乃自沈水

中宗族棟之幾死得免太守五方為之圖象

相烏袁福義不存生 相烏德陽人袁稚妻也十五適稚

二十稚亡無子父母欲改嫁之使自殺袁福亦德陽人
王上妻也有二子上以喪親過哀死福哀感終身父母

欲改嫁乃自殺

汝氏世曾由婦諫柔 汝敦妻某敦兄弟共居有父母時

財物

此字依御覽
五百十七補

嫂心欲得之

此字依御覽補

妻勸送二兄敦

盡讓田宅奴婢與兄自出別居

別字依御覽補

後敦耕田此字依御覽

覽得金一器妻復勸送二兄

御覽二字亦當改為與

夫

妻共往嫂性慙畚謂欲借貸甚不悅及見金器此字使御覽補

踴躍欲留之此三字依御覽補兄感悟即出妻讓財還弟弟又

不受御覽補相讓積年後竝察孝廉世為冠族

思美媚列媛美稱惟休 總譜十一人也

述廣漢列女

右廣漢郡士女譜第三

凡五十七人四十六人十一女

提為士女

王延河平纂為之功 王延世字長叔資中人也建始五

年河決東郡汜濫充豫四郡三十二縣沒官民屋舍四萬所御史大夫尹忠以不憂職致河決自殺漢史案圖緯當有能循禹之功在捷柯之資陽求之正得延世徽拜河隄謁者治河以竹落長四丈大九圍大小船載小石治之三十六日隄防成帝嘉之改年曰河平封延世關內侯拜光祿大夫仍賜黃金百斤

文伯習禮繼武孫通

董鈞字文伯資中人也少受業於鴻

臚王臨永平初議天地宗廟郊祀儀禮鈞與太常定其制又定諸侯王長禮歷城門校尉五官中郎將以儒

學青稱繼叔孫通

張公執憲克智克聰極位青紫實作司空 張皓字叔明
武陽人也以文有文應文當聰明辟大將軍掾還尚書僕射
彭城相進隱士閭邱遵等徵拜廷尉延光三年安帝將
廢太子為濟陰王皓與太常杜馬太僕來歷爭之安帝
不許及安帝崩濟陰得立為順帝以皓為司空久之免
復徵為廷尉清河趙騰坐誘訕當誅所引八十餘人皓
以聖賢明義爭之咸稱平當

子驚司京梓鼓不鳴 趙折字子寧潯中人也初臨甘陵

宏農郡甚善治民徵尚書選司隸校尉時梁冀子弟放恣皆以法繩之不致為非京師肅清得鼓不鳴

孟文翹翹平顯有成

唐云平當作五

楊渙字孟文武陽人也以

清秀博雅歷臺郎相稍遷尚書中郎司隸校尉甚有嘉聲美稱

伯邵正直耀祖揚聲

楊準

唐云當作准同錄續引不誤

字伯邵漢安

縣人也初為郡守太尉李固薦準累世忠直拜尚書太傅陳蕃表為河東入為尚書令奏書治南陽太守曹廉潁川太守曹騰濟南太守孫訓等子弟依託形勢淫縱

徵廷尉治罪劾梁冀婦家子也於是憚之又薦朱禹盛
精勝廷為尚書陸稠為郡守皆名士也桓帝即位拜河
南尹遷司隸校尉冀叔父梁忠為執金吾不朝正初劾
奏之朝士服其公亮徙將作大匠

翁君將命迺播其名 楊莽字翁君武陽人為功曹刺史
王尊當之州移書諸郡不得遣迎惟挺為遣莽蜀郡遣
何霸嚴尊尊大怒莽前對曰使君不使奉迎謙也太守
承迎故也謙敬上下之節不可廢也尊乃欣然請辟別
駕舉茂才官至揚州刺史

奉君遜世 賈貽字奉君南安人也公孫述時漆身為厲

佯狂避世

御覽七百三十九云不肖仕公述破為合浦

守蜀中歌之曰節義至仁賈奉君不仕亂世避惡君世

下原校刪不字脩身於蜀紀名亦足後世為大族

任公開明 任永字君業雙道人也長歷數王莽時託青

盲公孫述時累徵不詣子溺井中死見而不言妻淫於

前面而不怪述平乃曰世適平目即清妻自殺光武徵

之以年老不詣卒

叔和順終 杜撫字叔和資中人也少師事薛洪治五經

教授門生千人太守王卿召為功曹司徒辟不

廖云當有請字

及聞公免必往承問東平憲王為驃騎將軍辟西曹掾
後罷為王師在驃騎府者遺之數年乃去數應三公徵
撫侍選故公作詩通議說弟子南陽馮良亦以道學徵
聘

君橋密精 趙松字君橋武陽人為童子數資問費貽及

知其避世密與周旋終不露之也述平舉茂才為上黨
太守

英英四子利於居貞

讚費貽以下

皇漢他綱官人失紀文紀審謬表明臧否 張綱字文紀

司空皓子也在朝

在下原衍漢字依原校刪

公平廉正權官側目憚

之漢安元年以光祿大夫持節與侍中杜喬循行州郡

考察風俗出宮埋車先奏太尉桓馬司徒劉焉戶祿素

餐不堪共職出城又奏司隸校尉趙峻河南尹梁不疑

汝南太守梁乾等賊污濁亂檻車送廷尉治罪天子以

乾梁冀叔父貶秩免峻等又奏會相寇儀儀自殺威風

大行郡縣莫不肅懼還冀恨之出為廣陵太守承叛亂

後懷集撫卹甚有治化在官十年卒

康云十子續尚書當作一

續弟方為豫州牧子縣數世至大官

白虜狂僭亂離斯紀孝仲繫繫馬社稷是死 朱連字孝仲武陽人也公孫儻號遵為健為郡功曹領軍拒戰於六水門眾少不敵乃埋車輪絆馬必死為述所殺光武嘉之追贈復將漢將軍郡縣為立祠

廷侯吊梁放志知己 趙敦字建侯武陽人也初為新都令德禮宣流三司及大將軍梁冀累辟終不詣冀辟書不絕後冀自殺使者監守不使人吊問敦獨往吊祭訖自拘有司天子赦之

叔通教孝石生江汜

隱相字叔通楚楚道人也養母至

孝母食欲江中正江水相冬夏汲之一朝有橫石生正流中哀帝世為孝廉平帝時為郎

吳生致養亦感神靈社 吳順字叔和楚道人也事母至

孝赤烏巢其門甘露降其戶察孝廉永康昌太守

劉后初載實多良才季休思亮經事能治 楊洪字季休

武陽人也先主領牧為蜀郡從事蜀郡原誤部及征漢

中丞相亮表為蜀郡太守先主疾病永安召亮東行漢

嘉太守黃元反後主用其計克元封關內侯後為中郎

將越騎尉廖云當作後為忠節尉見三國志忠清公亮甚信任之
德山耽學道以光時 伍梁字德山南安人也儒學雅尚
州選迎牧諸葛亮為功曹遷五帝中郎將

烈武作合度曠塗夷惜哉公舉帥直陵遷 賈詩字公舉
南安人也先主領牧為前部司馬羣臣勸先主稱尊號
詩上疏曰殿下以曹操父子逼主篡盜故乃羈旅萬里
糾合士眾將以討賊今大敵未克而先自立恐人心疑
惑昔高祖獲子嬰猶尚推讓况未出門便欲自立耶以
是左遷部永昌從事建興三年從丞相亮南征魏將李

鴻來降說魏新城太守孟達欲背魏向蜀亮方北面欲
招達為外援欲與書詩進曰孟達小子昔事振威不忠
後事先帝背叛反覆之人何足與書也亮嘿然詩終劉
氏之世官位不盡其才君子以昭烈之宏曠武侯之明
達詩吐直言猶尚陵遲况庸主昏世率意直言而望肆
効者哉

文然簡略言不詭隨

楊義

廖云當作義

字文然武陽人也輔

漢將軍張裔薦為丞相亮主簿大司馬蔣琬辟東曹掾
歷二郡太守為射聲校尉性簡略未曾以甘言加人酒

後言笑多慢訕失大將軍姜維意為維所廢延熙十八年作季漢輔臣讚在蜀書

車騎怏怏與國安危 張翼字伯恭文紀孫也以文武才幹歷征西鎮南將軍封亭侯延熙十八年與大將軍姜維西征大破魏雍州刺史王經於狄道經眾死洮水者數萬人維欲進翼諫不可必進無功時維屢出隴西翼常廷爭以為國小不宜黷武必為蛇畫足不聽不得已每怏怏從行景耀元年遷左車騎將軍領冀州刺史蜀平後死

猗猗眾偉芳烈名垂方德動繹動提之瓊瑰 總讚此二

十一人也

述健為人士

進楊穆穆先姑是憲 進武陽楊氏女大匠廣漢王堂長

子博妻也博後母文有母儀之德進楊則其教為行閨

門雍穆祥柯太守李裨家亦假係每不和詢有歎恨徒

富貴學問不及博家也

陽姬

御覽五百十九作楊姬

請父厥族蒙援克諧內愛訓及秀彥

姬武陽人也生自寒微

御覽

父坐事閉獄楊渙原衍始

字依節

則為尚書令郎告歸郡縣故重之姬為處女乃邀道扣

渙馬訟父罪言亂慷慨涕泣摧感此二字依渙慙之原

誤依御覽補正告郡縣御覽告作語又為出其父因奇

其才為子文方以禮聘之依以禮二字結婚大族二弟得

仕宦遂世為官門後方文方為漢中太守以趙宣為賢

將察孝廉函封未定病卒姬祕不發先遣孝廉上道乃

發喪宣得進用姬之力也後方文方兄子伯邳為司隸

校尉時姬長子穎伯冀州刺史仲子頴二千石伯邳以

秉叔母教迎在官舍每教伯邳政治伯邳欲舉茂材選有

二人伯邛欲用老者嫌以其老欲舉五方而其年幼以
洛叔母勸舉方後趙宣為健為五方為廣漢姬尚在故
吏故之四時承問不絕

周度割體貞節是全 周度楚道人也相登妻十九登亡
中年令吳厚因人求之斷髮以誓志後人猶欲求之乃
割其鼻養子早亡其妻左亦年十九遂俱守義世咸歎
婦姑之貞專其節操也

敬姬沈淵誠烈貌然 曹敬姬南安人也周紀之妻十七
出適十九紀亡遺生子元餘服闋父母以許縣賓給給

母
病迎還知之自投水人赴之氣已絕一日一夜乃蘇息
送依紀弟居訓導元餘號為學士年九十卒

貞玦王操彌久彌刊 貞玦字瓊玉牛鞞程氏女張惟妻
也十九適惟未暮惟亡無子養兄子悅供養舅姑夙夜
不怠資中王冲欲娶玦玦叔父肱荅以女志不可奪冲
為太守李嚴督郵嚴記縣遺孝義掾秦羔鴈宣太守命
聘之玦乃自投水救援不死後太守蘇高為立表太守
蜀郡舊校關云遣仁恕掾論曰貞玦太守章懷劉威又為作
頌故稱述也

韓姜自財后旌其寃 韓姜饒道尹仲讓妻也二十讓亡

服除資中董臺因從事王為表弟求姜不許臺門生左
習王蘇以為姜可奪教姜家言母病迎還韓氏因逼成
婚姜聞故自殺太守巴郡弓楊哀之殺習蘇以報姜死
謝姬引決同穴齊室源誤校依原姬南安人武陽儀成

妻也成死以已年壯無子將葬乃預作殯殮具毒藥須
夫棺入墓拊棺吞藥而死遂同葬縣以表郡郡言州州
上尚書天子嗟下書每大赦賜家帛四匹罰殺二石
蜀原誤出不成字
依原引或本改

媛姜匹婦勉夫濟子授命囹圄義踰國士 趙媛姜資中

人盛道妻也建安五年道坐過夫婦閉獄子翔方年五

歲姜謂道曰官有常刑君不得已矣妾在復何益君門

戶君可同翔亡命妾代君死可得繼君宗廟道依違數

日姜苦言勸之遂解脫給衣糧使去代為應對度走遠

乃告吏殺之後遇赦父子得還道雖代官當世痛感終

不更娶翔亦不仕

原衍耳字
依原校刪

黃帛求喪沉身中流靈精相感攜夫共浮 黃帛楚道人

張貞妻也貞受易於韓子方去家三十里船覆死貞弟

求喪經月不得帛乃自往沒處躬訪不得遂自投水中
大小驚惋積十四日持夫手浮出時人為語曰符有先
給喪道帛求其夫天下無有其偶縣長韓子丹嘉之召
帛子幸之縣股肱

烈哉諸媛即稱義道原誤遵依
廖依校改讚此九女也

述捷為列女

右捷為郡士女讚第四

凡三十人二十一
人女士

卷十下

此卷原脫讚
文依宋本補

漢中士女

鄭真岳峙雄乎其清

鄭梁泥盤元湛淵亭

鄧公亢對忠枉原情

博望致遠西南來庭

子游師生譏巧所傾

王孫養性矯弊厲生

司徒監使術暢思精

屢登上司七政是經

炎精下頽朱明不揚太尉塞謫任國救荒濯日場谷將升
扶桑惡直醜正漢道遂喪

元脩敦重咸惠實亮

子雅溫恭見察文方

二珪琬琰三辰懸望 琬始為青州刺史有貴要屬託

琰於廳前置大器盛水發置悉投置水中無有所報

後按顧氏云此上二十五字原脫依藝文五十書

鈔七十二御覽二百五十八參校補正

仲卿報友行義以理

伯度元鏡榮辱屑己

德公在林懸象垂晷既冲雲清苗張儀准
伯臺處諫師言亢盡末命訪萌妙都元揆
孟度邵允季子英璋計君經算元靈斐斐
禮高殉名伯義死節四行齊致在茲六子

俊按廖氏云當作節死誤倒

四行齊致在茲六子元侯趙陳蓋亦烈士

渙渙龍宗振振麟趾文炳彬蔚漢上表軌

述漢中人士

穆姜溫仁化繼為親

秦瑛嚴明世範厥訓

杜氏之教父母是遵

禮莊肅穆言存典韻

文姬獻獻宗祀復歆

陳氏二謙或智或仁

禮修順姑恩愛溫潤樹南悼夫輕死重信

祈祈令姬如玉如金允矣淑媛齊德姜任

總讚此九

人也

述漢中列女

右漢中郡士女譜第五

凡三十四人

二十五人
士九人
女

梓潼人士

鎮遠敦壯立勳南湖巨遊玉碎高風金振
文堅亟哉南面懷民盛國好學研頤聖真
漢伯肄業諸生之純伯禧效志李餘殘身
完王二子行勇以仁孝助多方以茲立稱
章武之興亦迪才倫德賢好古潛心藝文

國輔皓然形動神沈思潛游學休志素林
欽仲朗博訓詁典墳孫德果銳作劉幹臣
衍衍禕彥玉潤蘭芬劬名表器江漢之俊
述梓潼人士

季姜雍穆化播二婦王氏世興宏貞由賢母
杜慈專專父不諒只敬楊雪儼壯踰烈士
惟茲三媛仁暢義理邦有斯儔以馳遐紀
總讚三八
述梓潼列女

右梓潼郡士女讚第六

凡士女十八人三十五人士女

俊按顧氏云諸書所引士女姓氏有不見目錄者
附此

趙開讀書一見便誦問人讀書自識章句書鈔九十八

洛陽慶鴻慷慨好義廉范與為刎頸之交時人稱曰

前有管鮑後有慶廉御覽四十九

荀崧小女灌幼有奇節崧為襄城太守為杜曾所

圍力弱食盡欲投於故吏平南將軍石覽計無所

出灌時年十三乃率勇士數十人踰城突圍夜出

賊追甚急灌督厲將士且戰且前後得入魯陽山獲
免得向覽乞師又為松書與南中郎將周訪仍結弟
兄訪即遣子撫率三千人會石覽俱救松賊聞兵至
散走灌之力也

仰覽五
百十九

王廣女美姿容性慷慨有丈夫之節廣仕劉聰為西
楊州刺史蠻梅芳攻陷楊州廣被殺女年十五芳納之
於閨室中聲芳不中芳曰何故反女曰蠻畜我誅父
賊吾聞之父雖不同天母雖不同地汝逆害人父母復以
無禮凌人吾所以不死者欲誅汝爾所恨不得烏汝

首於通衢以塞大恥乃自殺

同上

俊梅右從武陵山人遺書輯錄

華陽國志佚文

趙孟字長舒補尚書都令史善清談有國士風面有疵點
曹事不決孟一言乃定時人語曰事有變問疵面詩紀補
右從杜氏古謠諺輯錄

華陽國志佚文補遺

晉 常璩 撰

張翕字子陽巴郡人為平陰郡布衣蔬食儉以化民自
乘二馬之官久之二馬死一馬病令曰吾將步行矣吏
漢甚安其惠愛在官十九年卒百姓號慕送葬者千數
天子嗟歎賜錢十萬為立祠堂後太守數煩擾吏人叛
亂翕子端方察孝廉天子起家拜起為太守迎者如雲
御覽六十

後按今本卷三趙雲郡上脫一葉僅存九字括旁

書輯補

卷之四

俊按容齋五筆

五筆引風俗敘希姓合浦太守虎旗上郡太守郎杜
河內太守遇沖北平太守賤瓊東平太守劉質沐寵
北平太守卑躬雁門太守宿詳五原太守督瓊汝原
太守謁渙九江太守荆修東海太守鄒熙弘農太守
移良南郡太守為昆酒泉太守顏暢北海太守處興
巴郡太守鹿旗涿郡太守作顯廬江太守黃遷交阯
太守賴先外黃令集一洛陽令諸於單父令即黃烏
傷令昔登山陽令職洪高出太令用糾此二十君子皆

是郡守縣令惟移良之名曾見於史耳

孫云三筆別有漢人希姓

一條方叔未細檢

又按周嬰庑林述洪曰

述曰今所傳風俗通十卷氏姓篇亡矣然諸書所引
應氏遺編尚多希聞者則有漢太尉起喜丞相史具
都渾梁僕多尚書令鞠譚太子少傅瓶守侍中竊嘉
鈞喜聊倉太鴻臚招猛光祿勳弓社少府中京治書
御史諫忠諫議大夫塗憚救仁詹事滑典長史真祐
司空史御長卿司徒掾府悝騎都尉神曜度遠將軍
采皓蜀郡都尉十獻上黨都尉露平趙相行祐兖州
刺史通朽一作過桐幽州刺史芳來冀州刺史巫捷

守

交趾刺史僅尹越雋太史牝根漢中太守抗喜南陽
太守瞿茂九江太守旗光西河太守垣恭豫章太守
函熙南郡太守繼祕太原太守委進常山太守屯莫
如陳郡太守沐寵孫云五等劇令家美中牟令池瑗
梁令鄴風武陽令會相胤長根宗博士食子公沛上
計三烏羣不知景盧何以不敘然漢書西南夷傳有
越雋太守收根豈即收根之謠乎